

半月行云何半月行謂阿闍黎半月半月同懺悔如是得念依止如是半月行無阿鉢帝云何無阿鉢帝謂阿闍黎令去某甲處受依止如是得念依止又言行云何言行謂依阿闍黎言不用汝依止行如是得念依止如是依行不犯師界云何不犯師界謂不犯師聚落界如是得念依止如是不犯師聚落界同師懺悔云何同師懺悔謂半月半月同師懺悔如是得念依止如是同師懺悔五年分明得念依止苾芻當具足此五種法此苾芻法

當依行彼法無阿鉢帝彼所有戒法當日得訥瑟訖哩合二多爾時世尊說是五種法已諸苾芻衆及諸人天瞻奉旋繞作禮而退

佛說苾芻五法經

則九

佛說苾芻迦尸迦十法經

宋西天三藏朝散大夫試鴻臚少卿傳教大師法天奉詔譯

如來應正等覺在舍衛國與諸苾芻衆俱定時如來廣爲時會人天及彼未來而說師範爾時如來告苾芻衆言苾芻當具足十種法

得度人出家受戒爲苾芻得一生不依止住
得與他人爲依止何等爲十一者得慚愧樂
或二者得多聞法三者得毗柰耶多聞四者
得力正行犯生戒依法依毗柰耶正行五者
得力正行犯生罪邪行邪見依法依毗柰耶
正行六者得力正行看病安住七者得力正
行愛樂定法及毗柰耶法自說令他說八者
得力正行說身行戒九者得力正行說出
梵行戒十者得十年得十年滿得十年餘苾
芻此十種法當具足住云何苾芻得慚愧樂

戒謂此苾芻如是得云何我未得阿鉢帝不
速疾得阿鉢帝如法如毗柰耶作爲苾芻是
爲得慚愧樂戒云何苾芻得多聞知法謂此
苾芻得法藏所說得多聞說爲得知法力周
四聖諦廣略解說苾芻是爲得多聞知法云
何苾芻得多聞知毗柰耶此苾芻所說二毗
柰耶說者周二別解解說廣念誦於行住坐
卧口念心思微細觀察苾芻是爲得多聞知
毗柰耶云何苾芻得力正行犯生戒依法依
毗柰耶正行謂苾芻知阿鉢帝知非阿鉢帝

則九

知輕阿鉢帝知重阿鉢帝知因業阿鉢帝知
非因業阿鉢帝知中阿鉢帝知前阿鉢帝知
後阿鉢帝知已起阿鉢帝知未起阿鉢帝阿
鉢帝起已一一能知苾芻是爲得力正行依
法依毗柰耶正行云何苾芻得力正行犯生
罪邪行邪見依法依毗柰耶正行苾芻此得
力正行謂周緣生廣略解說所謂無明緣行
行緣識識緣名色名色緣六入六入緣觸觸
緣受受緣愛愛緣取取緣有有緣生生緣老
死憂悲苦惱如是得此一大苦蘊集此無明

滅則行滅行滅則識滅識滅則名色滅名色
滅則六入滅六入滅則觸滅觸滅則受滅受
滅則愛滅愛滅則取滅取滅則有滅有滅則
生滅生滅則老死憂悲苦惱滅此如是滅則
得一大苦蘊滅苾芻是爲得力正得生罪邪
行邪見依法依毗柰耶正行云何苾芻得力
正行看承痛安住苾芻此得力正行看承病
安住謂隨其病疾而與湯藥滿自住房而不
嫌厭苾芻是爲得力正行看承病安住云何
苾芻得力正行愛樂定法及毗柰耶法自說

令他說苾芻此得力正行謂愛樂相非相法
自說令他說及滿樂欲說苾芻是爲得力正
行愛樂定法及毗奈耶法自說令他說云何
苾芻得力正行說身行戒苾芻此得力正行
謂觀犯過犯已觀察觀見謂見威儀開僧伽
黎及受持鉢受飲食乃至語言愛等苾芻是
爲得力正行說身行戒云何苾芻得力正行
說梵行戒阿鉢帝苾芻此得力正行謂四念
處四正滅四神足四無量五根五力七覺支
八正道舍摩他微鉢舍那念戒無煩惱無我

如是苾芻是爲得力正行說梵行戒阿鉢帝
云何苾芻得十年得十年滿得十年餘苾芻
如是年滿是名具足苾芻此十種法具足是
苾芻得度人出家受戒得一生不依止住得
與他爲依止若苾芻此十種法減度人出家
受戒不依止住復與他爲依止彼日日戒得
訥瑟訖哩合多彼所有法彼一一減得阿鉢
帝彼所有法彼一一減彼日日戒得訥瑟訖
哩合多苾芻此十年戒當信重持三法一心
行何等爲三謂度人依止不依止如是世尊

應正等覺說此十種法戒過犯報應已是會
大衆苾芻等歡喜奉持禮佛而退

佛說苾芻迦尸迦十法經

諸佛心印陀羅尼經

宋西天三藏朝散大夫試鴻臚少卿傳教大師法天奉詔譯

如是我聞一時佛在兜率陀天衆寶莊嚴菩
薩宮殿曼拏羅中無數菩薩相好莊嚴知法
真際諸如來子皆從種種佛刹土來各禮佛

足退坐一面爾時世尊告大衆言諸善男子
有陀羅尼名佛心印恒河沙等如來所說我
今利益兜率天人爲令獲得相應快樂若善
男子受持讀誦解說聽聞此陀羅尼者當知
是人得宿命智重業消除恒受快樂不墮惡
趣衆人愛樂衆人護持世出世財豐盈滿足
人及非人不侵嫉害千劫輪迴不生魔界無
上菩提速疾證得爾時世尊即說呪曰
怛你野合他引沒弟引沒弟引沒弟引摩諦
三三滿多沒馱明努誡野合諦五沒馱沒馱